

Virtutis Solidæ Præcipua Impedimenta, Subsidia, Et Incitamenta

Commentationibus Illustrata, Omnium Usui Aptatis. Quæ Servire Insuper
Poterunt Pro Argumento Concionum: Uti Et Considerationum Tempore
Exercitiorum; præsertim verò pro gemino sacræ collectionis triduo; prout
ex subjectis hunc in finem elenchis patet. [...] Partes Tres

Incitamenta

Bellecius, Aloysius

Ratisbonae [u.a.], 1755

§.I. Vivunt beatè

Nutzungsbedingungen

[urn:nbn:de:hbz:466:1-55553](https://nbn-resolving.de/urn:nbn:de:hbz:466:1-55553)

scutum, in omnibus denique procel-
lis anchora fuerat, portus & pharos;
sed insuper sectandæ probitatis peren-
ne calcar exstiterat, ac potens invita-
mentum. Hæc enim remissos anima-
bat, abjectos erigebat, deficientes su-
stentabat, & ad proficiendum identi-
dem acriter incendebat. Hoc igitur
stimulo ut &c nos ad progrediendum
in via spiritûs incitemur, geminum,
qui inde sperandus est, fructum pau-
cis explanabo, nempe beatitatem vitæ,
& quietem mortis, qua tales à benig-
no Numine prænumerata merce etiam-
num vivi munerantur. Nam solum
animæ perfectionis studiosæ I. beatè
vivunt: II. placidè moriuntur.

§. I.

*Soli perfectionis studiosi beatè
vivunt.*

I. **A** Deò sinistra nonnullorum ani-
Ob cha.
rismata,
queis gau-
dent. mis de piorum vita opinio
insidet, ut nihil tristius illis, horridius
nihil, tetricumque magis depingi pos-
se

se videatur. Dum enim virtutem cogitant, formam sibi fingunt hirsutam, pallidam, rugosam, ciliciis undique cinctam, flagellis miserè cruentatam, jejuniis fœdè emaciatam, perpetuò lacrymis gemitibusque indulgentem, pectusque saxis asperè tundentem; à qua omne gaudium, risus, solamen, voluptas & amoenitas omnis quam longissimè absint, exulentque.

At verò cæcorum hoc de coloribus judicium esse ac fanaticum phantasie ludibrium, ex dicendis constabit, queis ostendam, pietati solidæ addictos, in hoc adhuc procelloso mundi æquore dies mirè tranquillos felicesque ducere, idque triplicem ob causam, 1. ob charismata, queis gaudent: 2. ob solatia, queis affluunt: 3. ob providentiam, qua singulariter proteguntur, foventur, reguntur: beante D E O prænunciis ejusmodi futorum deliciis fideles sibi servos, in hac adhuc miseriарum valle degentes; non secus ac olim Israëlitas, etiamnum in deserto errantes, voluntaria

H s mannae

mannæ pluvia (a) inundavit; Christique discipulos in monte Thabor cœlestibus lautitiis saginavit.

Quod attinet ad superna, queis gaudent charismata, ea respondent quatuor dotibus corporum glorioforum, quæ modo quodam morali animabus perfectis anticipato munere à coelo communicantur; quæve quatuor quasi portæ sunt, per quas illa conscientia pax, quæ exuperat omnem sensum, (b) in easdem triumphans ingreditur. Sicut enim obscuritas intellectus, languor voluntatis, appetitionum rebello, hebes crassitudo memoriæ non nisi terrestria recolentis, illi per Jeremiah descripti quatuor venti à quatuor plagis sunt, (c) qui tantas in mortaliū animis procellas excitare, omninemque cordis serenitatem fugare consueverunt; ita è contrario claritas intellectus in cognoscendis veritatibus æternis: agilitas voluntatis in patrandis operibus bonis: subtilitas memoriæ

(a) Psal. 67. v. 10.
(c) Jerem. 49. v. 36.

(b) Phil. 4. v. 7.

riæ in formandis cœlestibus ideis, & quædam mentis (ut ajunt) *impassibilitas* ex assidua appetituum refrænatione orta; hæc, inquam, sunt illi quatuor fontes Paradisi, qui animi hortum irriguo tractu fœcundant; illudque beatæ quietis, ac quietæ beatitudinis regnum constituunt, quod qui intra se possident, omnes terræ Monarchas felicitate immensum antecellunt. His autem quatuor dotibus animas illorum, qui virtuti solidæ student, prærogativo omniæ in hac etiamnum vita excellere, haud difficulter ostenditur.

Nam primò talium intellectus per cœlestia, quibus identidem illustrantur, lumina tantam acquirit claritatem, ut inter tot erroneas, queis orbis obscuratur, de vera pietate opiniones, *quasi stella matutina in medio nebulae* refulgeat, (d) verum à falso, bonum à malo critica luce minutim discernendo. Veritatem axiomatum Evangelii instar pellucidi solis intimè penetrant:

(d) Eccli. 50. v. 6.

netrant: octo beatitudines, quæ ab aliis magnæ calamitates creduntur, genuinæ ipsis beatitatis sunt, omnium votis ambiendæ. Latentem in contemptu gloriam, reconditas in paupertate divitias, resultans ex adversis solatium (quæ mundanis repugnantes sibi mutuò chimæræ videntur) acutissima mentis acie perspiciunt. Nomini famam, corporis commoda, sensuum illecebras vanitatem vanatum ac inane nihilum esse, ipsaque umbrâ quid minus, adeò clarè perspicuèque agnoscunt, ut satis mirati nequeant, Christianos reperiri, qui ista æstiment, sectentur, & ament. Verbô: ex numero illorum sunt, *qui bus datum est nosse mysteria regni D El.*
 (e) Quantæ autem tranquillitatis scaturigo viva horum cognitio sit, rerum inexpertis difficile captu est.

Porro ex hac intellectus claritate unà profluit mira voluntatis ad quodvis bonum *agilitas* & felix propensio omnem DEI nutum placitumque summa

ma cum promptitudine exequendi.
Ejusmodi homines solisequia dices,
divini Solis ductum famulo flexu con-
tinuò adorantia. Similes eos esse illis
angelis affirmares, qui succincti zonis,
thronum Numinis circumstant, ad
omnes ejus voluntates in momenta
parati. (f) Onus, quod aliis grave,
ipsis leve est. Jugum, quod aliis du-
rum, ipsis suave videtur. Injuriarum
spinas intrepida manu decerpunt: de-
spectionis absynthium avido ore exhau-
riunt: projectos in se calumniarum
lapides ut gemmas colligunt. Tres
actus Theologicos virtutesque morales
tanta facilitate eliciunt, frequentant,
intendunt, ut eorum vita non nisi
contexta ex iis aurea series sit, & con-
nectens terræ cœlum catena. Spon-
taneas corporis afflictiones, consue-
tas pietatis exercitationes, congruas
statui functiones non asperata in rugas
fronte, non animo reluctante, & quasi
tristis mancipatūs pertæsi; sed alacres
& vegeti obeunt, constantes & fer-
vidi perficiunt, memores illius Apo-
stoli

(f) Psal. 102. v. 21.

stoli sententia: hilarem datorem diligit
DEUS. (g) Quæ existimationi, proprio amori, & cuticulae adversantur, tantum abest, ut horreant, ut potius generosi prensent, serioque exoptent. In summa: tales (ut testatur Bernardus) ad omnia via & vita hujus religiose exercitia non solum ambulant, sed currunt: imò potius volant, ut eis & vigiliae breves, & cibi dulces, labores non solum tolerabiles, sed & acceptabiles videantur. (h) O igitur mortales verè beatos! qui adeò prompti ad bonum, agilesque salebrosam virtutis semitam per volatis! O quis emanantem inde beatitatem, quis portatilem hunc vestrum animi paradisum dignis coloribus adumbrabit?

Præterea hanc voluntatis agilitatem comitatur insignis quædam & spiritualis memoriae subtilitas, qua præsentem sibi DEUM adesse, in cordis templo morari, omnia audire, & intueri, ejusmodi animæ continuò recoluntur.

qua
(g) 2. Cor. 9. v. 7. (h) Serm. 3. de Ascensione Domini.

qua illustrationibus divinis & impulsibus internis nunquam non vigiles attendunt, & conscientiae statum idem acutæ rimantur. Præcipue autem mirè subtile sunt in detegendis appetitibus pravis, in rememorandis deflendisque lapsibus præteritis, in perscrutandis eorundem principiis, in amovendis denique obstaculis, quæ morum emendationem & spiritus profectum præ aliis impediunt, aggravant, ac remorantur; idque cum tanta dulcedine, ut interiorem, qua diffuunt, pacem proditores oculi vultusque amico sidere loquantur.

Istam subtilitatem ponè consequitur felix illa *impassibilitas mentis*, qua tales animæ loricam fidei induæ, scuto fidei tectæ, galea salutis munitæ, & gladio spiritus armatae, (i) omnes mundi fallacias, stygis assultus, carnis illecebras victri ci nisu cataphractæ retundunt; ita ut nullus illicitæ cupiditatis sensus, nullius vetitæ rei amor, vitiosa cupiditas nulla gravius animo vul-

(i) Ephes, 6. v. 14. & seq.

vulnus inferre queant. Quin imò ita plagis imperviæ redduntur, & usque adeò malis superiores evadunt, ut inter prospera & adversa sibi semper content: ut nec adversis dejiciantur, nec prosperis efferantur; sed æquabili moderamine suis usque affectibus magnanimæ dominantur.

Rem ita se habere testatur Chrysostomus, ita differens: *virius tam est invicta, tam nihil cedens hujus mundi varietatibus, ut super malitiae retia volitans, quasi è quadam sublimi specula omnia humana despiciat, nihil, quod aliis molestum est, sentiens.* Et sicut *is*, qui supra excelsam petram stat, fluctus ridet, quos videt ad petram magno impetu disrumpi, ac protinus in spumam solvit, ita & virtuti vacans, in seculo constitutus loco, nihil insuave fert à rebus turbulentis, sed tranquillus animo & quietus sedet. (1) O igitur verè supparem Angelicæ impatibilitatem, quæcū gloriosior, quò ob naturæ conditionem difficilior est.

At

(1) Hom. 1. in 2, Corinth, & hom. 23. in Genes.

At nondum hic sistit Solis æmula virtus; insuper teste eodem Sancto plane invictos facit suos, continuamque præbet voluptatem, ita ut ne quidem sentire eos sinat rerum istarum inæqualitatem. Quemadmodum enim si exiguum scintillam in magnum pelagus injicias, eam protinus extinxeris; eodem modo molestia omnis, quamlibet ingens, si in animam bene sibi consciam inciderit, confessim perit, & evanescit. Exemplo nobis sit B. Paulus, qui, cum videret quasi nivis cumulos tentationes quotidie ingruentes, nihilominus non aliter, quam si in medio paradiso vixisset, ita gaudebat, gestiebatque. Hæc S. Archi - Præfus Constantinopolitanus. (m)

Ex quibus luculenter patet, homines perfectionis constanter studiosos quatuor doribus corporum glorioſorum modo quodam morali in hoc adhuc orbe anticipatò bearī. Quantæ autem felicitatis origo, quamque solidæ pacis principium hæc charismata sint, non calamo exprimi, sed sola

Pars III.

I

experi-

(m) Idem ibideū.

experientia percipi potest. O igitur animas terque quaterque beatas, quibus in hac adhuc lacrymarum valle feli-
lices illae conceduntur prærogativæ,
quæis Sanctorum olim corpora per
totam æternitatem dotata fulgebunt;
cùm eæ intellectus claritate Archange-
los, voluntatis agilitate Seraphinos,
memoriæ subtilitate Cherubinos, men-
tis impassibilitate seu æquabili semper
stabilitate ipsos etiam Thronos æmulen-
tur. Quis ergo contradicat Chryso-
stomo dicenti, tales in terrarum adhuc
regione degentes, quasi jam in cœlis vi-
vere? (n) Præcipue si insuper perpen-
dantur stupenda illa, queis affluunt,
solatia.

II. Horum duo genera numerantur,
*Ob sola-
tia, queis
affluunt.* primò illorum, quæ solo animo con-
cipiuntur; secundò eorum, quæ inde
etiam in nostros sensus totumque cor-
pus propagantur. Hæc ultima quam
magna subinde, quamque intensa exi-
stant, argumento nobis sunt (ut plu-
res alios silentio præteream) Sancti An-
tonius,

(n) Hom. 20, in Matth,

tonius, Ephrem, (o) Ignatius, gemini-
que Francisci Seraphicus & Xaverius,
qui tanto non raro dulcedinis torren-
te inundabantur, ut his ad satietatem
gustandis, noctes iis nimium breves,
præcordia nimis angusta, Solis cursus
nimium præceps fuerit visus. Imò su-
bin, tam copiosis voluptatibus ferendis
jam impares, eisdem modum à cœlo
poni ardenter petierunt; saneteque
confessi sunt, omnes tolerantias, la-
bores, & ærumnas in virtutis palæstra
pluribus lustris exantatas, unica ejus-
modi guttula centuplici fœnore com-
pensari; nec immerito. nam hæ cœ-
lestes deliciæ prænuncium quoddam
divinæ illius mensæ nectar sunt, cui
comparata omnis aliunde jucunditas teste
Bernardo mæror est: omnis suavitas do-
lor est: omne dulce amarum est: omne
postremo, quodcumque delectare potest, mo-
lestum est. (p)

Et profectò si Archimedem tanto
tamque singulari gaudio affecit inven-

I 2 ta

(o) S. Ephrem Tom. 3. serm. de vita reli-
gioſa. (p) Epist. 114.

ta subitò mechanica quædam demon-
stratio, ut illico è balneo avolans, in-
star delirantis citato gressu domum
properârit, illud identidem summo
clamore ingeminando: *reperi! reperi!*
O qualis ergo quantaque voluptas ea
erit, quæ ex contemplatione veritatis
cujusdam æternæ in nostro corde ple-
no flumine redundabit? Quis expli-
care poterit teneros sensus gaudiaque
limpidissima illius animæ, quæ Di-
lecto suo amoris vinculo intimè uni-
ta, cum Sulamitide exclamare potest:
inveni, inveni, quem diligit anima mea.
tenui eum, nec dimittam. (q) Ah
Philippos Nerios nos esse, Theresias
Stanislaos, Catharinas Senenses opor-
teret, ad has delectationes rite pene-
trandas; præcipuè cùm ipse Ecclesia-
sticus asseveret, *non esse oblectamentum*
super cordis gaudium. (r)

Verùm cùm posterius hoc genus
consolationum non omnibus etiam
verè piis, nec semper communicetur;
imò cùm periculi aliquid non raro
ad-

(q) Cant. 3. v. 4. (r) Eccli. 30. v. 16.

admixtum habeant, hinc solatiorum primæ classis, quæ solam mentem afficiunt, quæve ab omnibus & semper percipi possunt, major habenda est ratio, curandumque, ut potius illorum spe ad sectandam sanctitatem impellamur. Duo autem præcipue sunt fontes, ex quibus germana hæc solamina in mortalium corda uberiori vena profluere solent, nempe *gloriae præstantia*, & *thesaurorum abundantia*. Quò copiosiora hæc fuerint & excelsiora, eò solidiora quoque emanantia inde gaudia esse consueverunt; uti videre est in cœlicolis, qui ideo beatissimi vivunt; quia summa *gloria*, summoque *thesauro* potiuntur.

Jam verò gemina hæc emolumenta in hac adhuc vita eminenti gradu possidere animam virtutis solidæ studiosam, in aprico est. Hæc enim (ut cœlestia perhibent oracula) Christi soror & mater est, ejusdem amica & sponsa est. (s) hac autem cognatione

I 3

quid

(s) Qui fecerit voluntatem Patris mei, ipse meus frater, & soror, & mater est. Matth. 12. v. ult. Vos

quid eminentius est? Præterea regnum cœlorum, (t) dixit salutis, DEUS ipse thesaurus ejus est; (u) ita ut etiam illa cum Salomone affirmare possit: *venerunt mihi omnia bona pariter cum illa, (nempe cum perfectione) & innumerabilis honestas per manus illius.* (x) hac autem rerum copia quid locupletius est? Certè omnis opulentia Abigailis & Bersabeæ: omnis magnificientia Estheris & Judithæ non nisi umbra sunt, collata excellentiæ & opibus talis animæ.

Non solum ea participat inestimabile illud margaritum amicitiæ divinæ, sed insuper propter arctissimum, qui illam inter & Christum intercedit, nexum contrahit quandam affinitatem, & mysticam conjunctionem cum ipsa Sacrosancta Trinitate, & communem quandam ineffabilium bonorum societatem. Quis ergo neget, solidè pro-

amici mei es sis, si feceritis, que præcipio vobis. Joan. 15. v. 14. Sponsabo te mibi. Osee 2. v. 19. Soror mea sponsa. Cant. 9. v. 10. (t) Matth. 3. v. 21 (u) Isa. 33. v. 6, (x) Sap. 7. v. 11.

probos gloriae præstantia, & thesaurorum abundantia plurimum excellere? Quid igitur mirum, quod ii quoque exultent latitia inenarrabili & glorifica-
ta? (y) quod naufragi innatent de-
liciarum oceano, & anticipato jam
æmula illi pace fruantur, qua Cœli-
tes æternum gaudent? Nam quod quis
excellentior est honore & divitiis au-
ctior, eò & felicior in hoc orbe cen-
setur; gloriosior autem nulla, nulla
ditior conditio in his terris reperitur,
ac illa talis animæ est; ut ex dictis
abunde patet. Ergo nemo pariter
terricolarum amplioribus afflit solatiis,
quam genuinæ pietatis candida-
tus; adeoque & nemo eodem in hoc
adhuc orbe beatius vivit.

Nec mirum; nam in ejus pectore
geminæ illæ omnium turbationum sca-
turigines exsiccatæ arent: duo illi
omnis tranquillitatis hostes depresso ja-
cent, nempe voluntas propria, amor
que proprius. quod biceps monstrum
interni omnis belli infaustam originem

I 4

esse

esse multipli experientia constat. Quid enim aliud est, quod tam turbidas in nobis tamque frequentes excitat tempestates, nisi quod subin aliquid fiat, quod commissum nollemus: aut aliquid intermittatur, quod factum vellemus? quod quippiam eveniat aut honori adversum aut cuticulae ingratum? quod consilia nostra everti, desideria impediri, commoda tolli, conatus infringi, eludiique cernamus? hoc scilicet est, quod urit, mordet, pungit. hæc infelix illa querelarum Lerna, hic stygius ille puteus est; unde emergunt in terram, & exeunt illæ locustæ curarum, angorum, turbarum, & afflictionum, quarum cruciatus sunt sicut cruciatus scorpii, cum percutit hominem. (z)

Jam autem cum anima virtuti dedita omnem suam voluntatem exuta, non respiret nisi divinam; cum propriæ existimationi sensumque oblectioni sponte renunciaverit; cum nullius rei conditæ desiderium sit unicum ejus

(z) Apoc. 9. v. 4. & 5.

ejus votum, sui^{que} dominium sit amplissimum ei imperium; à dupli^ci hoc omnis perturbationis fonte quām remotissima degit, & in ipso quietis palatio securissima vivit. Cūm enim nil in orbe sine Numinis nutu eveniat; illa autem nihil, quām quod DEUS, velit; hinc ei quoque nil unquam contrā accidit, quām optat. Hoc ipso quōd contemni cupiat, sui^{que} afflictionem amet; nec vilipendione turbatur, nec adversis affligitur. Et quia aut nihil desiderat, aut modicum præcisē: & etiam hoc tantūm modicē prensat, contrariis casibus mentis tranquillitate nunquam dejicitur. Quo fit, ut tam puro intus tam^{que} constanti solamine gaudeat, ut nemo id capere nisi expertus possit. Quis ergo neget, solas animas virtutis solidæ studiosas in hac adhuc misericordiarum valle ob solatia, queis affluunt, beatas omnino felicesque vivere?

Et quidnī? cūm enim eæ (ut ait Augustinus) *in illo gaudeant, qui non*

I 5 potest

poteſt perire : (aa) illi innitantur, qui non poteſt corruere : illi confidant, qui non poteſt fallere ; neceſſariò genuina voluptate perfunduntur, mira felicitate beantur, & instar Olympi omnes terrenas nubes toto vertice egressæ, conſtanter ſerenos numerant dies. Ut proin jure exclamet Bernadus : *ô felix sanctæ conſcientiæ jucunditas ! quid illâ in rebus ditiuſ vel dulciuſ ? Quid in terra quietius atque ſecuriuſ ?* (bb) Certè ſi eſt gaudium in mundo, hoc utique poſſidet puri cordis homo. (cc) Si reperire eſt beatitudinem in terra, hac profectò gaudet sanctitudinis appetens anima.

Et tamen (quis poſſibile id credat) & tamen invenire ſit aliquos, qui ſine ullo motu pioque ſenu hæc legant : qui iſta conſiderent, quin per ea ad ſeſtandum pietatis ſtudium inflammen- tur : quibus diſſicile accidat, ſummi- tatem frondium avellere, ut auferant me- dullam cedri ? (dd) in palmam ascendere,

ut

(aa) in Ps. 84. ante medium. (bb) Epift. 373.
(cc) I. 2. c. 4. de imit. Christ. (dd) Ezech. 17.
v. 4.

ut apprehendant fructus ejus? (ee) Aegypti ollas spernere, ut potiantur cœlesti manna? O Superi! credimus, quod sanctitatis avida mens sit quasi juge convivium; (ff) & tamen malumus cum filio prodigo inter porcos famere, & siliquis pasci, quam divinis hisce cupidiis nos dignos reddere. O Domine! illumina tenebras nostras; (gg) immitte nobis nauseam mundanorum, ut tandem aliquando superna appetamus.

III. Accedit, quod addictos probitati animos singularis Providentia Numinis speciatim foveat, tutetur, & regat; id quod tertium est atque principium terrestris hujus, qua sanctimoniae sectatores in hoc jam mundo triumphant, beatitatis fundamentum. Tales enim providis DEI brachiis inseriti, instar pupillorum sub tutela fiducie: veluti infantes in sinu solicite matris: quasi hospites in navigio vigilis nautæ tuni vivunt, securi quieti, III.
Ob Provi-
dentiam,
qua singu-
lariter
proteguntur, fo-
ventur,
reguntur.

(ee) Cant. 7. v. 8. (ff) Prov. 15. v. 15.
(gg) Ps. 17. v. 29.

scunt, & portum salvi ingrediuntur. Certum enim est, illam Mentem æternam peculiari affectu invigilare commodis illorum, qui sedulo conatu acquirendæ perfectioni constantes incumbunt. Huic veritati probandæ unicum ex innumeris argumentum attulisse sufficiat.

Nam edicite, amabo, quid vilius quam passeret, quorum duo esse venient? & tamen asseverante id Christo, nec unus ex illis cadet super terram sine nutu Divini Patris. (hh) Quid neglectius capillo, quod humi abjectum pedibus conculcatur? & tamen sacra testante Pagina, ab æterno omnes numerati sunt. (ii) Quid abjectius lilio, aut agri fæno, quod hodie est, & cras in cibarium mittitur? & tamen ea DEUS sic vestit, ut nec Salomon in omni gloria sua coopertus sit, sicut unum ex istis. (ll) Quid denique contemptius corvis, qui non seminant, neque metunt, quibus non est cellarium neque hor-

(hh) Matth. 10. v. 29.
(ll) Matth. 6. v. 29. & 30.

(ii) ibid. v. 30.

horreum? & tamen quotidie DEUS pa-
scit illos. (mm) Si ergo (quæ Christi
argumentatio est) si ergo Pater cœlestis
tanta solicitudine tam vilibus animal-
culis & exsucco gramine providere dig-
natur, quantò magis vos, (nn) ô fide-
les animæ! tuebitur, diriget, ac fo-
vebit vos, inquam, quas in charitate
perpetua dilexit: (oo) in funiculis Adæ
sibi adstrictas tenet, (pp) & in mani-
bus suis descriptas circumfert; (qq)
secundùm illud Sapientis effatuin: ju-
storum animæ in manu DEI sunt. (rr)

Ita est ô Pater! (Salomonis verba
sunt) tua Providentia gubernat omnia,
(ss) & cum magna reverentia disponis
nos; subest enim tibi, cùm volueris,
posse. (tt) Tibi quidem cura est de
omnibus; (uu) sed præcipuè de illis,
quibus perfectionis studium vicissim
curæ est. Teste Augustino curas equi-
dem unumquemque nostrum tanquam so-
lum

(mm) Luc. 22. v. 24. (nn) Matth. 6. v. 30.
(oo) Ierem. 31. v. 3. (pp) Osee 11. v. 4.
(qq) Esa. 49. v. 16. (rr) Sap. 3. v. 1. (ss)
Sap. 14. v. 2. (tt) Sap. 12. v. 18. (uu)
Sap. 12. v. 13.

lum, & sic omnes tanquam singulos; (xx) sed tamen illis speciatim attendis, qui pariter virtuti singulariter intendunt. hos enim in sinu tuo portas: (yy) hos quasi pupillam oculi custodis: (zz) hos per varios anfractus salvos deducis, ab eis offensionum lapides amoliendo, temptationum laqueos avertendo, stygios assultus retundendo, variisque eventus ita sapienter moderando, ut diligentibus te omnia cooperentur in bonum, (aaa) ipsi non raro lapsus.

Porro quantarum consolationum scaturigo, quam beatæ quietis, quam firmæ spei fundamentum ejusmodi Providentiæ viva fides & experimentum sit, difficile dictu est. Quid enim timeat, quærit Augustinus, quid timeat homo in sinu DEI positus? (bbb) quanam re indigeat Numinе plenus? quid aliud præterea desideret, qui cum Dilecto suo omnia possidet? Ah!

Do-

(xx) l. 3. confess. c. II, (yy) Num. II.
v. 12. (zz) Deut. 32. v. 6. (aaa) Rom. 8.
v. 28. (bbb) l. 2. confess. c. II,

Dominus regit me, (cum Davide læta ejusmodi anima exclamat) Dominus regit me. ergo nihil mihi deerit. (ccc) Angelis suis mandavit de me, ut custodiant me; ut in manibus suis portent me. ergo non offendam ad lapidem pedem meum. (ddd) Quin & super aspidem & basiliscum innoxius ambulabo: leonem & draconem illæsus calcabo. (eee) Imò etiam si mortiferum quid bibero, non mihi nocebit. (fff)

Adhæc Dominus illuminatio mea & salus mea; igitur quem timebo? Dominus protector vita mea; itaque à quo trepidabo? (ggg) Ah! nihil mihi evenire permettet, (Augustini oraculum est) nisi quod mihi prosit, etiam si nesciam; (hhh) quia nemo tam pater ac ille, ut asseverat Tertullianus. (iii) Scit, quid mihi melius congruat; cùm sit Sapientissimus: illudque mihi dare etiam potest; cùm sit potentissimus. ergo illud

-
- (ccc) Ps. 22. v. 1. (ddd) Ps. 90. v. 11.
 (eee) ibid. v. 12. (fff) Marc. 16. v. 18.
 (ggg) Ps. 26. v. 1. (hhh) Soliloq. c. 15.
 (iii) lib. de pœnit.

illud etiam certò dabit ; cùm mei
amantissimus sit. Igitur *conjiciam* me
in eum, non *subtrahet* sē, ut cadam.
(III) *Omnem solicitudinem meam projiciam* *in eum*, quoniam *ipsi cura est de me*. (mmm) *Nam Dilectus meus mihi*,
& *ego illi*. (nnn) *O sortem prosperram* ! ille mihi . . . ego illi . . . ille
mihi in deliciis : ego illi in amoribus,
ille mihi saluti : ego illi curæ sum. er-
go votorum compos quid aliud pe-
tam ? omnium satur quid amplius
optem ? quid aliud superest, quām ut
timoris expers , omnium secura, in
pace *in idipsum dormiam*, & *requiescam*!
(ooo) *Ita sentit dedita sanctitati mens*
O profectò felicitatem stupendam ! O
providi Numinis favorem immen-
sum , qui perennis gaudii perpetuus
fons est.

Enimvero si mihi linguae centum
forent ; si manus & calami centum
emananti inde beatitudini pro merito
extollendæ sufficiens haud forem ; ut
nec

(III) l. 2. cons. c. II. (mmm) l. Petr.
v. 7. (nnn) Cant. 2. v. 16. (ooo) Ps. 4. v. 9.

nec excellentiæ animi, qua ejusmodi heroes adversos sibi casus despiciunt. Licet enim (id quod Jobo evenit) ventorum turbine concussa quatuor angulis domus repente corruat: licet ignis DEI cadat è cælo, & tactas oves puerosque consumat: licet hostiles turmæ invadant omnia, auferant, disperdantque; (ppp) quamvis denique fluctus maris naufragas hauriant opes, & cataractæ cæli apertæ, ruptique fontes abyssi (qqq) cuncta inundent, evertantque; nihilominus impavidos tales ferient ruinæ: etiam inter procellas velut acus magnetica divinæ voluntatis cynosuram sequuntur: instar solisequii etiam nebulis tectum Justitiæ solem proni adorant. *Dominus dedit, Dominus abstulit: sicut Domino placuit, ita factum est: sit nomen Domini benedictum,* (rrr) consueta eis parcemus est. Probè enim norunt, hæc omnia ejus nutu fieri, qui imperat ventis & mari: (sss) qui ligat aquas in nubibus suis, (ttt) habens

Pars III.

K

cla-

(ppp) Job. 1. v. 15, & seq. (qqq) Gen. 7.
v. 11. (rrr) Job. 1. v. 21, (sss) Luc. 8. v. 25,
(ttt) Job. 26. v. 3.

clavem abyssi. (uuu) Sciunt, de ejus clementis Providentiae throno procedere fulgura & tonitrua, (xxx) & flamas ignis devorantis. (yyy)

Quodsi epotandus eis morborum calix porrigatur, hunc minimè naufeant, certi medicam Numinis manum sibi eundem miscuisse. Si conjuratus contra eos consurgat tartarus, infraeti perstant; sciunt enim, quia fidelis *DEUS* faciet cum tentatione proveni-
tum. (zzz) Unde fit, ut nullas tristitia hyemes, nulos inconstantia apriles vivant; sed placidum semper decurrant ævum; cum serenus eis etiam inter nubila rideat Phœbus. Illa Jessiadicis verba: *Dominus sollicitus est mei*; (aaaa) illa Ignatii suspiria: *gubernia, sicut scis & vis; nam scio, quod amator sis*, familiares eisdem tessera sunt, queis velut clypeo muniti, omnes curarum aculeos procul arcent, fugantque. Et hæc beata solidè pio-
rum

(uuu) Apoc. 12. v. 1. (xxx) Apoc. 4. v. 5.
(yyy) Isa. 29. v. 6. (zzz) 1. Cor. 10. v. 13.
(aaaa) Psal. 29. v. 18.

rum in hoc adhuc orbe conditio est.
Sed nota: solidè piorum; soli enim
perfectionis studiosi tanta beatitate in
hac etiamnum vita fruuntur.

O igitur felicem illius animæ for-
tem! quæ, misso rebus creatis nuncio,
se D E O ex asse consecrat, devovet-
que. quæ nil sibi, quod Conditori
non offerat, aut avara reservat, aut
diffidens excipit. quæ propriæ volun-
tatis expers non nisi ex nutu divino
vivit. Hæc enim Numini confisa nil
quærit, vel optat præter gratiam: nil
horret, aut fugit præter peccatum:
nil timet, vel odit præter seipsam.
Dilecto suo innixa nihil non audet:
omnia sperat: imò cum Davide *in*
D E O suo etiam transgreditur murum.
(bbbb) superno ardore flagrans, in
virtutis semita volat, & liberam tæ-
diis auram spirans, paternaque Pro-
videntiæ sinui indormiens, inter Pa-
tris æterni brachia auream vivit pa-
cem, cœlestis illius, quam in cœlis
exspectat, prænunciam. Nempe quia

K 2

illa

(bbbb) R sal. 17. v. 30.

illa se totam D E O , vicissim etiam DEUS se totam illi communicat. quo fit, ut ejusmodi homo in hoc adhuc mundo per omnem partem beatus vivat tum ob *charismata*, queis gaudet: tum ob *solatia*, queis affluit; tum denique ob *providentiam*, qua singulariter protegitur, fovetur, & regitur.

Ad hæc jam quis nobis sensus? his perceptis, quæ modò animum sententia subit? Enimvero aut nobis frons omnis periit, si vera hæc esse inficiamur: aut æs circa pectus riget, si tanta beatitudo nullam in nobis sui orexim movet. Quid enim? an non in saxum obriguisse oportet, si nos tot tamque excellentia, quæ sanctimoniacæ assecilis etiamnum vivis promittuntur bona, tamen ad procurandam sanctitatem non animant? Ah! pro re vana (Kempensis lamentum est) pro parva promissione die noctuque fatigari non timeturs; & interim pro obtainenda probitate vix pes semel à terra levatur. O Superi! pro uno numismate interdum turpiter litigatur; & pro acquirenda illa felicitate,

tate, quæ in hoc adhuc orbe pietati comes est, vel ad modicum fatigari pigratur. (cccc)

Vah nos insensatos ! cisternis dissipatis, nuci cassæ, Ægypti cepis stulta ingluvie inhiamus ; & torrentes voluptatis, qui in hac quoque lacrimarum valle pias mentes inundant, amentes respuimus. Illa charismata negligimus, quæ beatorum corporum beatitudinem æmulantur : illa solatia contemnimus, quorum unica guttula omnemundi nectar immensum excedit : paternum singularis illius Providentiae finum fugimus, in quo qui recumbit, terrestri paradiſo fruitur. An non ergo nobismet ipsis infensi sumus, qui lutum pro auro commutamus ?

Equidem ô Domine ! his gratiis caremus, quia non toti tui sumus. Tu nobis cœlestia subtrahis ; quia nos tibi terrestria negamus. minùs liberalis es erga nos, quia nimis avari su-

K 3 mus

mus erga te. Sed puder, tam sordide hactenus tecum egisse: piget, perfectionem in postremis habuisse. Spes bonorum per virtutem solidam in hac adhuc vita acquirendorum potens deinceps illius sectandæ incitamentum erit. Tu ô JESU, qui nos cupis perfectos esse, *sicut Pater celestis perfectus est*, (dddd) da, ut fortius ausu tandem aliquando rumpamus vincula, quæ nos terræ alligatos, à prævio hoc cœlo arcent: & vitiis mancipatos à probitatis semita abstrahunt. Da, ut asserti in libertatem filiorum DEI, anticipato sanctitudinis præmio in hoc jam mundo beatè vivamus.

§. II.

Soli perfectionis studiosi placidè moriuntur.

I. *Ob requiem à labo-ribus pree-teritis.* **Q**UAM placidus probi hominis sit obitus, inde pater, quod in sacris Paginis somnus appelletur.
Si dormieris, (ait Salomon, talem allo-
 quens

(ddd) Matth. §. v. 48.